

IQRA'

Bil. 4/2022
APRIL

eISBN : 2735-1920



**Majlis Sanjungan Budi Ketua Pustakawan
Ts. Noor Hidayat bin Adnan**
PTAR Shah Alam - muka 4




**Program Khidmat Masyarakat: Kongsy
Rezeki Bubur Lambuk & Pek Ramadan**
PTAR Jasin - muka 14



**Live@PTAR: Tazkirah Ramadan -
Keutamaan 10 malam Terakhir Ramadhan**
PTAR Kuala Terengganu - muka 17



Jom Baca Bersama 10 Minit@PTDI
PTAR Segamat - muka 30



Quran Hour@PST
PST Shah Alam - muka 38

PROMOSI@PTAR



**PROGRAM WORLD#QURANHOUR 2022:
MISI AL-SAJDAH @UiTM CAWANGAN PULAU PINANG
26 APRIL 2022**

Disediakan oleh: Rafidah binti Muhamad Sam



Sempena kemuncak program berinteraksi dengan Al-Quran secara global melalui pendekatan baca, faham dan amal, PTAR UiTM CPP dengan kerjasama Unit Hal Ehwal Islam UiTM Cawangan Pulau Pinang telah mengadakan Program World#QuranHour 2022: Misi Al-Sajdah secara atas talian pada 26 April 2022. Program yang dijalankan melalui platform Webex ini telah disertai oleh seramai 92 orang peserta.

Surah Al-Sajdah yang bermaksud sujud dipilih dengan matlamat untuk menjadi panduan penyatuan ummah melalui ekonomi dalam mencapai matlamat "Dunia Berbudi & Penyayang". Fokus surah ini adalah sebagai solusi kepada rasa sombong dan kurang bersyukur dalam diri manusia sehingga mengakibatkan perpecahan dalam masyarakat dan negara. Selain itu, dengan pendidikan sujud ini, manusia dapat meningkatkan rasa kehambaan kepada Allah SWT dan seterusnya membuang ego di dalam diri masing-masing.

PTAR UiTM CPP ingin mengucapkan terima kasih kepada Ustaz Mohd Izlan Abdul Halik dan Ustaz Mohd Khairuddin Md Sul Haimi selaku pemimpin bacaan dan pentadabbur Surah Al-Sajdah. Sekalung penghargaan dan terima kasih juga kepada YBhg Prof. Ts. Dr. Salmiah Kasolang serta semua peserta yang mengikuti program ini. Semoga kita sentiasa istiqomah membaca Al-Quran setiap masa.

